

Senatus itaque Augustino Amulio, quem nuper legatum creaverat, ut Centumcellas proficisceretur, & cum fœderatis juncta classe Neapolim versus vela daret, præcepit. At Gallorum classe morante, legatus Terracinam progressus tria millia peditum, quibus Horatius Baleonius dux itineris fuerat, triremibus excepit; atque ut facilius tota ea res ad exitum perduciposset, e Galliis Comes Vademontius advenerat, qui quod ex stirpe Regis Renati ortus esset, antiqua Andegavensis familiæ jura in Neapolitanum regnum sibi vindicabat; ut maxime sperandum esset, Neapolitanos vel memoriam priscorum Regum retinentes, vel in Gallorum gentem propensione, præsertim cum novarum rerum appetentes sint, ad classis adventum Vademontium lætis animis excepturos; nam a fœderatis vulgatum erat, avitum regnum se Vademontio tradituros, neptemque Pontificis, Laurentii Urbinatum Ducis, filiam connubio juncturos. Universa itaque classis, quæ ex duabus & viginti triremibus constabat, Neapolim versus vela solvit; cum interim Rentius Ceres decem millium peditum copiis terra Aprutianorum fines invasurus esset. Andreas Auria, qui primus iter arripuerat, Puteolos aggressus, cum tormentis displohis arceretur, re infecta discedere coactus fuit: mox cum reliqua classis accessisset, oppugnari oppidum maritimum coeptum est, ut tuta aliqua statio subducendis triremibus adesset. Itaque mœnia quassata, ac dejecta globorum vi locis aliquot fure, milites in continentem exscendere, terra, marique adoriri. Paulus Justinianus Trierarchus Venetus primus cum suis per murorum hiatus oppidum ingressus est; illum ceteri sequuti, captum, direptum, statimque arx deditione in nostrorum potestatem pervenit. Quo prospero rerum eventu populorum perculsæ, ac consternatæ mentes, quocumque fœderata classis sese ostenderet, cuncta maritima oppida ultro se dedere; si qui obsistere audebant, vi, atque armis cogebantur, ut Surrentinis evenit. Itaque brevi tota maritima ora potita est, ac prope Neapolim, caput regni, pervenit. Interea Ceres Neapolitanos fines ingressus, Truonto amne trajecto, Aquilæ oppidum, Taliacotii, Marforum, Albæ, & Celani comitatus in suam potestatem redegerat.

Prosperis his eventibus elatis nostrorum animis, in spem

H. Mauroceni T.I.

O

ve-

1527
Augustinus
Amulius le-
gatus ad
Terracinā.

Vademontius
Comitis in
Italiam
adventus.

Paulus
Justinia-
nus Vene-
tus Trier-
archus
Puteolos
ingreditur.

Fœderato-
rum consi-
lia de Nea-
poli oppu-
gnanda